

MINISTARSTVO ZA PITANJA BORACA

205

Na osnovu člana 56. Zakona o organizaciji organa uprave u F BiH („Sl.novine F BiH“ broj; 35/05) te člana 10. stav 1. tačka 1. i člana 11. Zakona o dopunskim pravima branilaca i članova njihovih porodica („Sl.novine HNK“, broj 8/06) ministar za pitanja boraca, uz saglasnost Vlade Hercegovačko-neretvanskog kantona d o n o s i ;

PRAVILNIK O KRITERIJIMA I POSTUPKU OSTVARIVANJA PRAVA NA ZDRAVSTVENU ZAŠTITU I OBEZBJEĐENJE SANITETSKOG MATERIJALA

I OPĆE ODREDBE

Član 1.

Ovim Pravilnikom se, u skladu sa Zakonom o dopunskim pravima branilaca i članova njihovih porodica, utvrđuju uvjeti, način i postupak ostvarivanja prava na zdravstvenu zaštitu i obezbjeđenje sanitetskog materijala ratnim vojnim invalidima i članovima njihovih porodica, članovima porodica šehida, poginulih, umrlih i nestalih branilaca, demobilisanim braniocima i članovima njihovih porodica i dobitnicima ratnih priznanja ili odlikovanja i njihovim porodicama, koji imaju prebivalište na području Hercegovačko-neretvanskog kantona.

Član 2.

Lica iz člana 1. ovog Pravilnika. ostvaruju pravo na zdravstvenu zaštitu, ukoliko ne mogu ostvariti status osiguranog lica po propisima iz oblasti zdravstvenog osiguranja, uz odgovarajuće dokaze.

II POSTUPAK OSTVARIVANJA PRAVA

Član 3.

Zahtjev za ostvarivanje prava na zdravstvenu zaštitu, korisnici prava podnose Ministarstvu za pitanja boraca, putem nadležne općinske/gradske službe za boračko-invalidsku zaštitu, na propisanom obrascu koji propisuje Ministarstvo, uz potrebnu dokumentaciju.

Dokumentacija potrebna za ostvarivanje prava na zdravstvenu zaštitu je:

- za ratne vojne invalide, porodice šehida, poginulih, umrlih i nestalih boraca - rješenje o priznatom statusu;
- za dobitnike ratnih priznanja ili odlikovanja - rješenje o priznavanju prava na mjesečni novčani dodatak;
- za demobilisane braniocce - Uvjerenje nadležnog organa o periodu učešća u Oružanim snagama (HVO, A BIH, MUP i HOS)
- vjenčani list;
- dokaz da nisu evidentirani kao poreski obveznici kod poreske uprave;
- dokaz da nisu korisnici penzije po propisima penzijsko-invalidskog osiguranja;
- dokaz da ne ostvaruju pravo na zdravstveno osiguranje kod Zavoda za zapošljavanje;
- dokaz da se djeca od 18 do 26 godina nalaze na redovnom školovanju.

Član 4.

Općinska služba po zaprimljenom Zahtjevu vrši provjeru priložene dokumentacije i Zahtjev koji je potpun dostavlja Ministarstvu na rješavanje, u roku od sedam dana po prijemu Zahtjeva.

Član 5.

Nakon stručne obrade zahtjeva od strane službenika Ministarstva nadležnog za poslove zdravstvene zaštite, Ministarstvo donosi rješenje o priznavanju prava, u skladu sa članom 200. Zakona o upravnom postupku (Sl.novine F BiH broj: 2/98 i 48/99), vrši ovjeru obrasca Prijave na zdravstveno osiguranje, te predmet vraća općinskoj službi koja vrši prijavu osiguranog lica u matičnoj poslovnici Zavoda.

Rješenje o odbacivanju ili odbijanju zahtjeva, Ministarstvo donosi u skladu sa članom 139. stav 1., tačka 1. i 2. Zakona o upravnom postupku.

O žalbi na rješenje Ministarstva rješava Komisija Vlade Hercegovačko-neretvanskog kantona.

III PRESTANAK PRAVA

Član 6.

- Pravo na zdravstvenu zaštitu prestaje u slučaju:
- smrti korisnika prava;
 - stjecanjem prava na zdravstvenu zaštitu po drugom osnovu;
 - gubitkom statusa korisnika prava;
 - djeca kada navršće 18 ili 26 godina - prestankom redovnog školovanja.

Korisnici su dužni gore navedene promjene prijaviti u roku od 7 dana nadležnom tijelu.

Član 7.

Ministarstvo u suradnji sa općinskim službama i drugim službama (Zavod zdravstvenog osiguranja, PIO/MIO, Porezna uprava, Zavod za zapošljavanje) prati status osigurane osobe i po pribavljanju dokaza iz članka 6. ovog Pravilnika, pokreće postupak o prestanku prava, o tom donosi rješenje i ovjerava obrazac odjave sa zdravstvenog osiguranja.

Ovjereni obrazac općinska služba dostavlja poslovnici Zavoda zdravstvenog osiguranja i vrši odjavu korisnika.

O žalbi na rješenje o prestanku prava rješava Komisija Vlade Hercegovačko-neretvanskog kantona.

IV ZAVRŠNE ODREDBE

Član 8.

Sredstva za Zdravstvenu zaštitu osiguravaju se u Budžetu Ministarstva za pitanja boraca Hercegovačko-neretvanskog kantona za tekuću godinu.

Član 9.

Ovaj pravilnik su obavezne primjenjivati općinske i gradske službe boračko-invalidske zaštite.

Član 10.

Za sve što nije regulisano ovim Pravilnikom, primjenjuju se propisi Federacije BiH i Hercegovačko-neretvanskog kantona, koji se primjenjuju u oblasti koju reguliše ovaj Pravilnik.

Član 11.

Izmjene i dopune ovog Pravilnika vrše se na način i po postupku koji važi za njegovo donošenje.

Član 12.

Pravilnik stupa na snagu narednog dana od objavljivanja u „Službenim novinama HNK“.

Bosna i Hercegovina
Federacija Bosne i Hercegovine
Hercegovačko-neretvanski kanton
Ministarstvo za pitanja boraca/branitelja

Broj:12-43-01-156/06
Mostar, 12.06.2008. godine

MINISTAR
Albert Šunjić, dipl. ing. s.r.

206

Na osnovu člana 56. Zakona o organizaciji organa uprave u F BiH („Sl.novine F BiH broj; 35/05) te člana 10. stav 1. tačka 2. i člana 14., 15., 16. i 17. Zakona o dopunskim pravima branilaca i članova njihovih porodica („ Sl.novine HNK“ broj 8/06) ministar za pitanja boraca, uz saglasnost Vlade Hercegovačko-neretvanskog kantona d o n o s i ;

P R A V I L N I K

O KRITERIJIMA I NAČINU ODOBRAVANJA BANJSKO-KLIMATSKOG LIJEČENJA (MEDICINSKE REHABILITACIJE)

I OPĆE ODREDBE

Član 1.

Ovim Pravilnikom se, u skladu sa Zakonom o dopunskim pravima branilaca i članova njihovih porodica, utvrđuju uvjeti, način i postupak ostvarivanja prava na banjско-klimatsko liječenje ratnih vojnih invalida i članova njihove uže porodica, članova porodice šehida, poginulih, umrlih i nestalih branilaca, demobiliziranih branilaca i članova njihovih porodica i dobitnika ratnih priznanja ili odlikovanja i njihovih porodica, koji imaju prebivalište na području Hercegovačko-neretvanskog kantona.

Medicinska rehabilitacija iz stava 1. ovog člana sprovodi se u specijalizovanim zdravstvenim ustanovama za banjско-klimatsko liječenje (u daljem tekstu: lječilište) sa kojim Ministarstvo za pitanja boraca Hercegovačko-neretvanskog kantona (u daljem tekstu: Ministarstvo) ima zaključene ugovore o banjско-klimatskom liječenju i rehabilitaciji.

Član 2.

Korisnici prava na medicinsku rehabilitaciju mogu biti branioci i članovi njihove uže porodica kojima je prema medicinskim indikacijama takvo liječenje potrebno i koji su u posljednjih godinu dana liječeni od bolesti zbog koje se upućuju u lječilište: medikamentozno, operativno, fizikalno-ambulantno ili stacionarno.

Medicinska indikacija iz stava 1. ovog člana postoji u slučajevima dijagnosticiranja bolesti navedene kao indikacije na Listi indikacija i kontraindikacija za liječenje u prirodnim lječilištima.